

განმარტებითი ბარათი

საქართველოს პარლამენტის დადგენილების პროექტზე "საგზაო მოძრაობის უსაფრთხოების შესახებ კანონმდებლობის დახვეწის თაობაზე"

საქართველოს პარლამენტის დადგენილების წარმოდგენილი პროექტის მიზანია საგზაო მოძრაობის უსაფრთხოების შესახებ საქართველოს კანონმდებლობის მოქმედების ეფექტურობის ზრდა. კერძოდ, საქართველოს კანონმდებლობით ავტოსატრანსპორტო საშუალების მძღოლების, მგზავრების, ქვეითთა და საავტოროლო პოლიციის მიმართ გათვალისწინებულია გარკვეული უფლებები და ვალდებულებანი, რის შესახებაც საზოგადოების ინფორმირება განსაკუთრებულად გაზრდის მოცემული კანონმდებლობის აღსრულების ეფექტურობას.

ამავე დროს საქართველოში დღეს მოქმედი ადმინისტრაციულ სამართალდარღვევათა კოდექსით გათვალისწინებული მთელი რიგი გადაცდომები სატრანსპორტო სფეროში, მოცემული კოდექსით ასევე დადგენილია აღნიშნული გადაცდომების მიმართ ხაზდების დადების ფორმა და პროცედურა.

საქართველოს პარლამენტის იურიდიულ საკითხთა კომიტეტმა არასამთავრობო ორგანიზაციასთან "საერთაშორისო გამჭვირვალობა - საქართველო" ერთად განახორციელა კვლევა ამ სფეროში არსებული კანონმდებლობის და მისი მოქმედების თეალსაზრისით. კვლევის ძირითად კომპონენტს წარმოადგენდა საზოგადოების სხვადასხვა ჯგუფების (ე.წ. ფოკუს ჯგუფების) აზრის გამოკითხვა მათთან შეხვედრების და დისკუსიების წარმართვის გზით. მოცემული შეხვედრების შედეგად გაანალიზებულ იქნა კონკრეტული საკითხები და გამოითქვა კონკრეტული რეკომენდაციები. მათ შორის აღსანიშნავია მთელი რიგი საკითხები, რომლებიც ეხება საქართველოს ადმინისტრაციულ სამართალდარღვევათა კოდექსს. დადგენილების პროექტის მე-2 პუნქტით საქართველოს შინაგან საქმეთა სამინისტროს უვალეა აღნიშნული კვლევის შედეგად წამოჭრილი საკითხების შესწავლა და საქართველოს პარლამენტისათვის კონკრეტული საკანონმდებლო წინადადებების წარდგენა.

დადგენილების მე-2 და მე-3 პუნქტში არსებული საკითხების დაკონკრეტების მიზნით გთხოვთ იხილოთ ზემოთ აღნიშნული კვლევის ფარგლებში ე.წ. ფოკუს ჯგუფებთან შეხვედრების ანალიზი (იხ. დანართი)

დადგენილების ავტორი და ინიციატორია პარლამენტის წევრი ლევან ბეჟაშვილი

იხ. დანართი - 3 ფურცელი.

26.10.24